

6 Oonzaumenooowug oo-oo akedoojig, ahwanan kawahbunduhening gagoo wanesheshing? O Jehovah pewahbundaheshenaung azhewahsayaug kishkin-zhegon.

7 Kegeähtoon nahwuj nebewah moojegezewin emuh nindaing dush ween uhpe kebahteenuddenig oomezeminansemewaun kuhyä ooshoooweminnah-boomewaun kuhyä oopemetamewaun.

8 Emmh pezaunezewining ningahiezhekuhweshin wenebahyaun: keen mah atuh, O Jehovah, keguluuh-wanim chenuhneezaunezesewaun.

PSALM V.

BEZINDUN nidekedoowinun O Jehovah: nah-nahgahdahwandun nenahnahgahduhwanduh-moowinun.

2 Bezinduhweshin anwayaun uhpe abyahshequa-yaunin: nindoozemaun kuhyä Nekesha-Muhnedoom kegahahnahmeätoon mah.

3 Ninduhnemetahgoozewin kegahnoondaun kakezhabahwahgukkin O Jehovah: kekezhab kegahahnahmeätoon, kuhyä ishpeming kaënahbeyaun.

4 Keen mah Kesha-Muhnedoo kahween kemin-wanduhseen mujje-ezhewabezewin; kah kuhyä tah-duhgoomahgussenoon mujje-uhyeëewish emuh andahyun.

5 Kahween tahquhyukookahbaliwesewug egewh kakebahdezejig emuh anahsuhmeyun: kesheeng-nemaug dush kuhkenuh egewh mahkindungig ewh mujje-ezhewabezewin.

6 Kegahbahnahjeäug egewh natah-kuhkenuhwish-kejig: owh Jehovah oogahkuhgwahnesuhganemaun enewh nashewanekin kuhyä wuhyazhingashkenejin enenewun.

7 Neen dush ween ningahpeendega emuh kewe-gewauming ashenuk kekeshawahdezewinun: kuhyä emuh kekoosegoowining ningahoojecheengwuhnetum kekechetwah-weguhmigoong enuhkuhkayal.

8 Suhgabbegeneshin, O Jehovah, emuh kequuh-yuk-wahdezewining: egewh shaunganemejig oonje quhyukquahmootahweshin kemeekun emuh kaë-neëzhahyaun.